

<b>Adroddiad i'r:</b>	<b>Pwyllgor Craffu Cymunedau</b>
<b>Dyddiad y Cyfarfod:</b>	<b>25 Hydref 2012</b>
<b>Awdur yr Adroddiad:</b>	<b>Swyddog Gwasanaethau Democrataidd</b>
<b>Teitl:</b>	<b>Rhaglen Gwaith Craffu</b>

---

**1. Beth yw byrdwn yr adroddiad?**

Mae'r adroddiad yn cyflwyno rhaglen waith ddrafft y Pwyllgor Craffu Cymunedau i'r dyfodol, i'r aelodau ei hystyried.

**2. Pam cyflwyno'r adroddiad hwn?**

Gofyn i'r Pwyllgor adolygu a chytuno ar ei raglen o waith i'r dyfodol a diweddarau'r aelodau ar faterion perthnasol.

**3. Beth yw'r argymhellion?**

Bod y Pwyllgor:

- 3.1 yn ystyried yr wybodaeth a gyflwynwyd ac yn cymeradwyo, diwygio neu newid ei raglen waith fel y tybia'n briodol; a
- 3.2 yn enwebu cynrychiolydd, a dirprwy gynrychiolydd, i wasanaethu ar y Grŵp Cydraddoldeb Corfforaethol.

**4. Manylion yr adroddiad**

- 4.1 Mae Etthygl 6 Cyfansoddiad y Cyngor yn pennu amodau cyfeirio, swyddogaethau ac aelodaeth pob Pwyllgor Craffu, tra bo rheolau trefniadaeth pwyllgorau craffu i'w gweld yn Rhan 4 y Cyfansoddiad.
- 4.2 Mae Cyfansoddiad Cyngor Sir Ddinbych yn gofyn i'r pwyllgorau craffu baratoi ac adolygu rhaglen ar gyfer eu gwaith i'r dyfodol. Trwy adolygu a blaenoriaethu materion, gall yr aelodau sicrhau bod y rhaglen waith yn cyflwyno agenda a arweinir gan yr aelodau.
- 4.3 Am nifer o flynyddoedd, bu'n arferol yn Sir Ddinbych i bwyllgorau craffu gyfyngu nifer yr adroddiadau a ystyrir ym mhob cyfarfod i bedwar ar y mwyaf ynghyd ag adroddiad rhaglen waith y Pwyllgor ei hunan. Amcan yr agwedd hon yw hwyluso trafodaeth fanwl ac effeithiol ar bob pwnc.
- 4.4 Gofynnir felly i'r Pwyllgor ystyried ei raglen waith ddrafft ar gyfer cyfarfodydd yn y dyfodol, fel y manylir yn atodiad 1, a chymeradwyo, diwygio neu newid y rhaglen fel y tybia'n briodol gan gymryd i ystyriaeth:
  - faterion a godwyd gan aelodau'r Pwyllgor

- materion a gyfeiriwyd ato gan Grŵp Cadeiryddion ac Is-gadeiryddion Craffu
- perthnasedd blaenoriaethau'r Pwyllgor / y Cyngor / y gymuned
- Cynllun Corfforaethol y Cyngor ac Adroddiad Blynyddol y Cyfarwyddwr Gwasanaethau Cymdeithasol
- baich gwaith y cyfarfod
- amseroldeb
- canlyniadau
- materion allweddol a gwybodaeth i'w chynnwys mewn adroddiadau
- trefnu pynciau addysg sy'n gofyn am bresenoldeb aelodau cyfetholedig statudol addysg
- swyddogion a/neu Aelodau Arweiniol y Cabinet y dylid eu gwahodd (ac ystyried os yw eu presenoldeb yn angenrheidiol neu a fyddai'n ychwanegu gwerth)
- cwestiynau i'w holi i swyddogion / Aelodau Arweiniol

4.5 At hyn, wrth ystyried eitemau i'w cynnwys ar y rhaglen waith yn y dyfodol, efallai y bydd yr aelodau yn ei chael yn ddefnyddiol ystyried y cwestiynau canlynol wrth benderfynu ar addasrwydd pwnc i'w gynnwys ar y rhaglen waith:

- beth yw'r pwnc?
- pwy yw'r rhanddeiliaid?
- beth sy'n cael ei ystyried mewn man arall
- beth y mae angen i'r pwyllgor craffu ei wybod, a
- phwy allai gynorthwyo?

4.6 Fel y crybwyllwyd ym mharagraff 4.2 uchod, mae Cyfansoddiad Cyngor Sir Ddinbych yn gofyn i bwyllgorau craffu baratoi ac adolygu rhaglen o'u gwaith at y dyfodol. I gynorthwyo gyda'r broses o flaenoriaethu adroddiadau, os yw swyddogion o'r farn bod y pwnc yn haeddu amser i'w drafod ar agenda fusnes y Cyngor, mae angen iddynt wneud cais ffurfiol i'r Pwyllgor ystyried derbyn adroddiad ar y pwnc hwnnw. Gwneir hyn trwy gyflwyno 'ffurflen gynnig' sy'n esbonio pwrpas, pwysigrwydd a chanlyniadau posibl materion a awgrymir. Nid oes ffurflenni cynnig o'r fath wedi eu derbyn i'w hystyried yn y cyfarfod hwn.

#### 4.7 Blaenraglen Waith y Cabinet

Wrth benderfynu ar eu rhaglen o waith i'r dyfodol, mae'n ddefnyddiol i bwyllgorau craffu ystyried rhaglen o waith y Cabinet i'r dyfodol. I'r pwrpas hwn, atodir copi o flaenraglen waith y Cabinet fel Atodiad 2.

#### 4.8 Adolygiad o Wasanaethau Gofal Dydd yng Ngogledd y Sir

Roedd adroddiad ar adolygiad y Gwasanaethau Gofal Dydd wedi'i drefnu ar gyfer cyfarfod y Pwyllgor ar 25 Hydref, ond mae'r adroddiad bellach wedi'i ohirio hyd y cyfarfod ar 17 Ionawr 2013 gyda chymeradwyaeth y Cadeirydd.

#### 4.9 Diweddariad ar y Strategaeth Cefnogi Pobl (Atodiad 3)

Yn wreiddiol, cynigiwyd y dylid ystyried yr adroddiad ar y Strategaeth Cefnogi Pobl a'r Cynllun Gwario yn y Pwyllgor Craffu Partneriaethau ar 8 Tachwedd; fodd bynnag, roedd aelodau wedi clustnodi'r adroddiad hwn i gyfarfod o'r Pwyllgor Craffu Cymunedau ar 25 Hydref. Oherwydd ymarfer rhanbarthol o edrych ar wariant cymharol ar draws y rhanbarth, ni fu'n bosibl cwblhau'r gwaith hwn erbyn cyfarfod 25 Hydref. Felly cynigir y dylid ystyried yr adroddiad yng nghyfarfod nesaf y Pwyllgor Craffu Cymunedau ar 6 Rhagfyr, cyn ei gyflwyno i'r Cabinet ar 18 Rhagfyr. Bydd angen trefnu cyfle i graffu ar adroddiad pellach yn dilyn cyhoeddiad o Gynlluniau Gwario 3 Blynedd awdurdodau lleol yn Ionawr 2013, felly gofynnir a fyddai modd i'r Pwyllgor Craffu Cymunedau ystyried hyn yn ei gyfarfod ar 28 Chwefror 2013.

- 4.10 Adroddiad Gwybodaeth – Diweddariad o'r Strategaeth Tai Lleol  
Yn amgaaedig, ceir adroddiad gwybodaeth yn darparu diweddariad o'r cynnydd a wnaed yn erbyn y Strategaeth Tai Lleol er gwybodaeth aelodau (Atodiad 4). Mae'r Strategaeth Tai Lleol yn cael ei hadolygu ar hyn o bryd mewn cydweithrediad gyda Phrifysgol Glyndŵr. Gofynnwyd i'r Pwyllgor Craffu Cymunedau ystyried y ddogfen strategaeth ddrafft yn ei gyfarfod ar 28 Chwefror 2013, a'r ddogfen strategaeth derfynol pan fydd ar gael oddeutu Mehefin 2013.
- 4.11 Adroddiad Ymgynghori – Cytundeb Tenantiaeth a Llawlyfr Drafft  
Mae copi o'r llawlyfr tenantiaeth drafft wedi'i ddosbarthu trwy e-bost i aelodau'r Pwyllgor Craffu Cymunedau. Gwahoddir sylwadau ac awgrymiadau ar gyfer gwella'r llawlyfr cyn ei gyflwyno i'r Cabinet. Dylid anfon unrhyw sylwadau er sylw Adele Cunnah erbyn 9 Tachwedd. Bydd hefyd angen i'r Pwyllgor Craffu Cymunedau ystyried y Cytundeb Tenantiaeth drafft newydd. Bydd hwn yn cael ei ddosbarthu ar gyfer unrhyw sylwadau yn y dyfodol agos.
- 4.12 Adroddiad Ymgynghori – Cyfamod Cymunedol gyda'r Lluoedd Arfog  
Fel rhan o'r ymgynghoriad ar gyfer datblygu cyfamod cymunedol rhwng Cyngor Sir Ddinbych a'r Lluoedd Arfog, mae'r Rheolwr Ymgysylltiad Cymunedol wedi gofyn i aelodau'r Pwyllgor Craffu Cymunedau gynnig sylwadau ar y ddogfen cyfamod drafft. Bydd y ddogfen hon yn cael ei dosbarthu i aelodau gael cynnig eu sylwadau ym mis Tachwedd.
- 4.13 Cludiant Ysgol  
Mae'r Pwyllgor wedi gofyn am dderbyn adroddiad gwybodaeth yn dilyn awdit o gludiant ysgol. Mae'r Rheolwr Cludiant Teithwyr wedi dweud y bydd adroddiad yn manylu ar ganfyddiau'r awdit yn cael ei gyflwyno i'r Pwyllgor Llywodraethu Corfforaethol ar 14 Tachwedd, ac y bydd adroddiad gwybodaeth yn crynhoi'r canfyddiadau hyn wedyn yn cael ei gynnwys yn y papurau cyfarfod ar gyfer cyfarfod y Pwyllgor Craffu Cymunedau ar 6 Rhagfyr.
5. **Sut mae'r penderfyniad yn cyfrannu at y Blaenoriaethau Corfforaethol?**

Bydd gwaith craffu effeithiol yn cynorthwyo'r Cyngor o ran cyflawni ei flaenoriaethau corfforaethol yn unol ag anghenion y gymuned a dymuniadau trigolion. Bydd datblygu ac adolygu rhaglen waith gydgyssylltiedig yn cynorthwyo'r Cyngor gyda monitro ac adolygu materion polisi.

**6. Beth fydd yn ei gostio a sut fydd yn effeithio gwasanaethau eraill?**

Efallai y bydd angen i'r gwasanaethau ddyrannu amser swyddog i gynorthwyo'r Pwyllgor gyda'r camau a nodwyd yn y rhaglen waith i'r dyfodol, a chydag unrhyw gamau a all ddeillio ar ôl ystyried yr eitemau hynny.

**7. Pa ymgynghori a fu?**

Nid oes angen ymgynghori ar gyfer yr adroddiad hwn. Fodd bynnag, mae'r adroddiad ei hunan a rhoi ystyriaeth i'r rhaglen waith i'r dyfodol yn cynrychioli proses ymgynghori gyda'r Pwyllgor mewn perthynas â'i raglen o waith i'r dyfodol.

**8. Pa risgiau sydd ac a oes unrhyw beth y medrwn ei wneud i'w lleihau?**

Nid oes unrhyw risgiau wedi eu hadnabod mewn perthynas ag ystyried rhaglen waith y Pwyllgor i'r dyfodol. Ond, trwy adolygu ei raglen o waith i'r dyfodol yn rheolaidd, gall y Pwyllgor sicrhau bod meysydd risg yn cael eu hystyried a'u harchwilio pan gânt eu hadnabod, a gwneud argymhellion gyda golwg ar ddelio â'r risgiau hynny.

**9. Pŵer i gymryd y penderfniad**

Mae erthygl 6.3.7 Cyfansoddiad y Cyngor yn nodi bod angen i bwyllgorau craffu'r Cyngor baratoi ac adolygu rhaglen o'u gwaith i'r dyfodol.

**Swyddog Cyswllt:** Swyddog Gwasanaethau Democrataidd

Ffôn: (01824) 712575

Ebost: [dcc\\_admin@denbighshire.gov.uk](mailto:dcc_admin@denbighshire.gov.uk)